



**KANTONALNI SUD U SARAJEVU**  
**Sudija za prethodno saslušanje**  
**S A R A J E V O**

Na osnovu člana 45. stav 2. tačke i) i člana 241. stav 1. Zakona o krivičnom postupku Federacije Bosne i Hercegovine (u daljem tekstu: ZKP FBiH), **podizem:**

**O P T U Ž N I C U**

**Protiv:**

**Muhameda Zijadića alias Altan Bajraktar**, rođen 1995. godine, po IDDEEA bazi podataka prijavljen u ....., ima određen JMB ....., državljanin BiH i Republike Sjeverne Makedonije, po nacionalnosti Bošnjak, završena SSS, po zanimanju mašinski tehničar, bez zaposlenja, oženjen, otac dvoje malodobne djece, po izjavi srednjeg imovnog stanja, osuđivan presudom Općinskog suda u Sarajevu broj: 65 0 K 536873 16 K, pravosnažna dana 04.05.2017. godine zbog krivičnog djela iz člana 289. stav 1. i krivičnog djela iz člana 295. stav 1. KZ FBiH, a sve u vezi sa članom 54. i 31. istog Zakona, na kaznu zatvora u trajanju od 1 (jedne) godine i 10 (deset) mjeseci, **nalazi se u pritvoru po Rješenju o određivanju pritvora Općinskog suda u Sarajevu od 30.07.2024. godine, a koji pritvor može trajati do 30.08.2024. godine ili do nove odluke Suda.**

**Što je:**

1. U vremenskom periodu od mjeseca novembra 2020. godine pa sve do 02.06.2021. godine, Muhamed Zijadić, svjesno organizovao i rukovodio grupom ljudi formiranom u smislu člana 2. stav 20. Krivičnog zakona Federacije BiH ( u daljem tekstu: KZ FBiH), koja nije nastala spontano, a organizovana je sa ciljem počinjenja krivičnih djela Razbojništva iz člana 289. stav 2. u vezi stava 1. KZ FBiH i Teške krađe iz člana 287. stav 1. tačka a) i b) KZ FBiH, na području Kantona Sarajevo i Srednjobosanskog kantona, a što je i htio, kojoj grupi su kao članovi, svjesni pripadnosti i zajedničkog kriminalnog cilja, a što su i htjeli, pristupili Haznadar Edin, Selmanović Almir, Ajkunić Kerim, Šaćić Eldin i Omerbegović Mesud, pa je tako Muhamed Zijadić rukovodio aktivnostima članova grupe, vršeći pripreme za svako pojedinačno krivično djelo, tako što je članovima grupe sam ili zajedno s njima obezbjedio potrebnu opremu: oružje, odjeću, alat i druge predmete potrebne za izvršenje krivičnog djela, zatim samostalno ili skupa sa članovima grupe vršio obilazak i osmatranje objekata u kojima su planirali izvršiti krivično djelo, nakon čega su, maskirani opremom koju su imali na raspolaganju, i to tamnom odjećom, kačektima,

medicinskim maskama preko lica, te tzv „fantomkama“, na naročito brutalan i bezobziran način vršili nasilne ulaske u prodajne objekte kojom prilikom su otuđivali novac, cigarete raznih marki, nakit i druge predmete, na način da je Muhamed Zijadić, u noćnim satima, članove grupe vozilima koja su u vlasništvu S.Z., a koja je on koristio, najčešće motornim vozilom marke "Infiniti", sive boje, registarskih tablica ....., dovezio na određenu udaljenost od prethodno osmatranog objekta, gdje ih je čekao, dok isti izvrše krivično djelo, a potom po članove odlazio na unaprijed dogovorenu lokaciju, gdje su se potom skrivali sa otuđenim predmetima, pa su tako Muhamed Zijadić kao organizator grupe, a Haznadar Edin, Selmanović Almir, Ajkunić Kerim, Šaćić Eldin i Omerbegović Mesud, kao pripadnici grupe, imajući zajednički plan za izvršenje krivičnih djela, zajednički djelovali na način da je Muhamed Zijadić izdavao usmene naloge za izvršenje krivičnih djela u objektima pravnih lica „.....“, „.....“, „.....“, „.....“, „.....“, zlatarska radnja „.....“ i „.....“, da bi potom Muhamed Zijadić kao organizator vršio preprodaju cigareta njemu poznatim licima sa područja Sarajeva, a jedno od lica koje je otuđene cigare kupovalo je E.Z., te najmanje u jednom navratu je E.Z. novac u sitnim apoenima koji je prethodno otuđen na benziskoj pumpi „.....“, koja se nalazi u ulici ....., od Muhameda Zijadića preuzeo te istom isplatio 1.700 KM u većim apoenima, nakon čega je Muhamed Zijadić vršio raspodjelu novca sa drugim članovima grupe, pa su tako djelujući kao organizirana grupa ljudi u navedenom vremenskom periodu na naprijed navedeni način i sa prethodno opisanim ulogama vršili krivična djela propisana Krivičnim zakonom F BiH i to:

#### **1.a)**

Dana 20.11.2020. godine oko 01:10 sati u Sarajevu u ulici Dobrinjska ....., općina Ilidža, a nakon što je Muhamed Zijadić, svjesno i htijući to, organizovao i rukovodio grupom ljudi sa ciljem počinjenja krivičnih djela, a kojoj grupi su svjesno i htijući to, kao članovi pristupili Kerim Ajkunić i Almir Selmanović, pa su tako po uputama Muhameda Zijadića, svjesni da s ciljem pribavljanja protupravne imovinske koristi, provaljivanjem oduzimaju tuđu pokretnu stvar, a što su i htjeli, Kerim Ajkunić i Almir Selmanović došli do benzinske pumpe „.....“ d.o.o. Sarajevo, nakon čega su upotrebom kamena razbili stakleni portal, na kojem su načinili otvor dimenzija 99 cm x 173 cm, kroz koji su ušli u unutrašnjost benzinske pumpe, a zatim ušli u kancelarije u sastavu benzinske pumpe, gdje su uzeli i prisvojili, dva kartonska paketa u kojima se nalazilo više komada cigareta različitih brendova, te su sa prodajnih polica iza prodajnog pulta, uzeli i prisvojili tri kutije duhana marke „Rothmans“ i jednu pvc vrećicu duhana marke „West“, nakon čega su se otuđenim predmetima udaljili u pravcu ulice Pijačna, općina Ilidža, gdje su na dijelu zemljane površine sa šibljem i stablima, sakrili otuđene predmete, koji su istu noć pronađeni i izuzeti prilikom vršenja uviđaja od strane službenika policija MUP-a Kantona Sarajevo, na koji način su oštetili benzinsku pumpu „.....“ u iznosu od oko 3.217,20 KM;

#### **1.b)**

Dana 09.12.2020. godine, u vremenskom periodu od 01,00 do 01,45 sati, u ulici ....., mjesto Lepenica, općina Kiseljak, a nakon što je Muhamed Zijadić, svjesno i htijući to, organizovao i rukovodio grupom ljudi sa ciljem počinjenja krivičnih djela, a kojoj grupi su svjesno i htijući to,

kao članovi pristupili Kerim Ajkunić i Mesud Omerbegović, pa su tako po uputama Muhameda Zijadića, svjesni da s ciljem pribavljanja protupravne imovinske koristi, provaljivanjem oduzimaju tuđu pokretnu stvar, a što su i htjeli, sva trojica dovezli se putničkim motornim vozilom marke „Infinity“, registarskih oznaka ..... autocestom iz pravca Sarajeva, a kojim je upravljao Muhamed Zijadić u neposrednu blizinu benzinske pumpe „...“, gdje su iz vozila izašli Kerim Ajkunić i Mesud Omerbegović, koji su se zatim uputili prema navedenom objektu, prethodno se maskirajući, na način da su obukli donje dijelove trenerki preko njihove garderobe, navukli čarape na tene, obukli tamne dukserice, te stavili medicinske maske preko lica, da bi po dolasku do navedene benzinske pumpe Kerim Ajkunić upotrebom kamena razbio stakleni portal ulaznih vrata, kroz koja su ušli u unutrašnjost objekta, gdje su sa izložbenog pvc dijela sa policama uzeli i prisvojili cigarete raznih vrsta u vrijednosti od 1.638,20 KM, da bi se zatim sa otuđenim predmetima udaljili do unaprijed dogovorene lokacije, gdje su se sakrili i sačekali Muhameda Zijadića, koji je došao po njih navedenim putničkim motornim vozilom, te ih odvezao u Sarajevo i sakrio u kuću koju je koristio u naselju Hrasno, na koji način su oštetili benzinsku pumpu „.....“ u iznosu od oko 1.638,20 KM;

### 1.c)

Dana 03.02.2021. godine, oko 19,55 sati, u ulici Olovska ....., općina Novo Sarajevo, a nakon što je Muhamed Zijadić svjesno i htijući to, organizovao i rukovodio grupom ljudi sa ciljem počinjenja krivičnih djela, a kojoj grupi su svjesno i htijući to pristupili Kerim Ajkunić i Eldin Šaćić, pa su tako po uputama Muhameda Zijadića, u sastavu grupe ljudi, svjesni da prijetnjom da će napasti na život i tijelo druge osobe, a u namjeri pribavljanja protupravne imovinske koristi oduzimaju tuđu pokretnu stvar, što su i htjeli Kerim Ajkunić i Eldin Šaćić došli do prodavnice „.....“, prethodno se maskirajući, na način da su obukli crne jakne sa kapuljačama preko glave i navukli kape „fantomke“, da bi zatim odmah po ulasku u prodavnicu prišli radniku E.B., kojem se Kerim Ajkunić, uz prijetnju signalnog pištolj marke „ZORAKI“, serijskog broja ....., model ....., kalibra 9 mm, koji asocira na vatreno oružje, obratio sa riječima „Lezi dole“, što je E.B. uslijed straha za svoju sigurnost i život učinio i sjeo na pod prodavnice, da bi zatim iz registar kase uzeli i prisvojili novac u iznosu od oko 790,00 KM, te iz magacinskog prostora duhanske artikle u vrijednosti od oko 2.070,00 KM, nakon čega su sa otuđenim novcem i predmetima napustili prodavnicu, te se uputili prema kući u ulici ....., koju koristi Muhamed Zijadić, koji ih je tu sakrio, te im dalje davao upute da unište i sakriju tragove i predmete izvršenja krivičnog djela, a koji predmeti su pronađeni prilikom pretresa od strane ovlaštenih službenih lica MUP-a Kantona Sarajevo na osnovu naredbe za pretresanje Općinskog suda u Sarajevu, na koji način su oštetili prodavnicu „.....“ u iznosu od oko 3.717,60 KM.

### 1.d)

Dana 03.03.2021. godine, 20,00 sati, u ulici Igmanskih bataljona ....., općina Ilidža, nakon što je Muhamed Zijadić svjesno i htijući to, organizovao i rukovodio grupom ljudi sa ciljem počinjenja krivičnih djela, a kojoj grupi je svjesno i htijući to pristupio Edin Haznadar, pa je tako

po uputama Muhameda Zijadića, u sastavu grupe ljudi, svjestan da prijetnjom da će napasti na život i tijelo druge osobe, a u namjeri pribavljanja protupravne imovinske koristi oduzimaju tuđe pokretne stvari, uz upotrebu opasnog oružja, što su i htjeli, Edin Haznadar zajedno sa njima poznatim pripadnikom grupe, došao do benzinske pumpe „.....“ d.o.o., prethodno se maskirajući, nakon čega su po ulasku u objekat, uz prijetnju upotrebe predmeta koji asociraju na nož i metalnu šipku, od uposlenika E.D i A.U. zatražili da im predaju novac, a potom je sa njima poznatim pripadnikom grupe iz registar kase uzeo i prisvojio novac, da bi se zatim jedan od njih obratio E.D. zahtjevajući da im preda još novca, koji im je rekao da se novac nalazi na pultu registar kase, pokazujući im bijelu kovertu u kojoj se nalazio novac u iznosu od oko 2.400,00 KM, a koji novac su zatim uzeli i prisvojili, nakon čega su se udaljili na njima poznatu lokaciju, odakle je Edin Haznadar putem telefona kontaktirao Muhameda Zijadića, dogovarajući se o lokaciji na koju će Muhamed Zijadić doći po njih, a kojom prilikom su oštetili benzinsku pumpu „.....“ d.o.o. u iznosu od oko 2.400,00 KM;

#### **1.e)**

Dana 16.03.2021. godine oko 00,22 sati u Sarajevu, u ulici Rustempašina ....., općina Ilidža, nakon što je Muhamed Zijadić svjesno i htijući to, organizovao i rukovodio grupom ljudi sa ciljem počinjenja krivičnih djela, a kojoj grupi je svjesno i htijući to pristupio Edin Haznadar, pa je tako po uputama Muhameda Zijadića, u sastavu grupe ljude, svjestan da prijetnjom da će napasti na život i tijelo druge osobe, a u namjeri pribavljanja protupravne imovinske koristi, oduzimaju tuđu pokretnu stvar, uz upotrebu opasnog oružja, što su i htjeli, Edin Haznadar zajedno sa njima poznatim pripadnikom grupe, došao do benzinske pumpe „.....“, prethodno se maskirajući tzv „fantomkama“, a zatim ušao u objekat, u kojem su se nalazili uposlenici E.Š. i A.B., od kojih je, uz upotrebu predmeta koji asocira na pištolj, tražio novac, da bi E.Š. i A.B. bojeći se za svoj život, legli na pod pumpe, nakon čega su Edin Haznadar i njima poznati pripadnik grupe ušli u radni prostor unutar prodajnog pulta, gdje su uzeli i prisvojili, novac u iznosu od oko 400 Eura i jednu pvc kesu sa logom „.....“, u kojoj se nalazio novac u kovanicama u iznosu od oko 1.000,00 KM, dok se istovremeno jedan od njih obratio uposlenicima sa riječima: „Daj kovertu, daj sve pare, daj još para pucat ću“, nakon čega su se udalji na njima poznatu lokaciju, odakle je Edin Haznadar putem telefona stupio u kontakt sa Muhamedom Zijadićem, koji im je davao upute gdje da se sakriju i na koju lokaciju da dođe po njih svojim putničkim motornim vozilom, pa je tako Muhamed Zijadić došao po Edina Haznadara i njima poznatog pripadnika grupe, kojom prilikom su Muhamedu Zijadiću predali prethodno otuđeni novac, da bi Muhamed Zijadić isti dan kontaktirao E.Z. sa kojim je dogovorio da mu zamjeni novac u sitnim apoenima u iznos od oko 1.700,00 KM, u krupne apoene, a koji novac su prethodno uzeli i prisvojili iz benzinske pumpe „.....“, na koji način su oštetili benzinsku pumpu „.....“ d.o.o. u iznosu od oko 1.700,00 KM;

#### **1.f)**

Dana 22.03.2021. godine oko 01,15 sati, u ulici Džemala Bijedića ....., općina Ilidža, a nakon što je Muhamed Zijadić svjesno i htijući to, organizovao i rukovodio grupom ljudi sa ciljem počinjenja krivičnih djela, a kojoj grupi su svjesno i htijući pristupio Edin Haznadar, pa je tako po uputama Muhameda Zijadića, u sastavu grupe ljudi, svjestan da prijetnjom da će napasti na život i tijelo druge osobe, a u namjeri pribavljanja protupravne imovinske koristi, oduzimaju tuđu pokretnu stvar, što su i htjeli, Edin Haznadar sa njima poznatim pripadnikom grupe, došao do benzinske pumpe „.....“ d.o.o. prethodno se maskirajući tzv „fantomkama“, zatim ušli u objekat u kojem su se nalazili uposlenici A.K. i H.O., kojim su se obratili riječima: „Pljačka je“, kojom prilikom je Edin Haznadar, u ruci držao signalni pištolj marke „ZORAKI“, kalibra 9 mm, koji asocira na vatreno oružje, što je kod A.K. i H.O. izazvalo strah za vlastite živote, da bi Edin Haznadar i njima poznati pripadnik grupe, iz tri kase koje su se nalazile u prostoru benzinske pumpe, uzeli i prisvojili novac u raznim valutama i apoenima, i to u iznosu od oko 1.009,50 KM , od oko 1.085,00 Eura, od oko 310 USA dolara i od oko 200 HRK, te dvije kutije cigareta u iznosu od oko 12,00 KM, nakon čega su se sa otuđenim novcem i otuđenim kutijama cigareta udaljili u nepoznatom pravcu, a koji novac je isti dan pronađen kod Edina Haznadara prilikom njegovog pretresanja od strane ovlaštenih službenih lica MUP-a Kantona Sarajevo u ulici ....., općina Ilidža, na koji na koji način su oštetili benzinsku pumpu „.....“ d.o.o. u iznosu od oko 1.009,50 KM , od oko 1.085,00 Eura, od oko 310 USA dolara, od oko 200 HRK i od oko 12,00 KM.

#### 1.g)

Dana 23.03.2021. godine oko 17,00 sati u Sarajevu u ulici Rustempašina ....., općina Ilidža, a nakon što je Muhamed Zijadić, svjesno i htijući to, organizovao i rukovodio grupom ljudi sa ciljem počinjenja krivičnih djela, a kojoj grupi je svjestan i htijući to, kao član pristupio Edin Haznadar, pa je tako po uputama Muhameda Zijadića, svjestan da na naročito drzak način, s ciljem pribavljanja protupravne imovinske koristi, oduzima tuđu pokretnu stvar, a što je i htio, Edin Haznadar, prethodno se maskirajući kačketom na glavi i tzv. „fantomkom“, ušao u unutrašnjost zlatarske radnje „.....“ vl. Z.B. koja se nalazi u sklopu tržnog centra „.....“, te prišao do pulta gdje se nalazila radnica Z.T. koja je usluživala mušteriju pokazivajući joj nakit, a zatim izvukao iz plastične kese torbu, te uzeo i prisvojio sav nakit sa tabakere koja se nalazila na pultu, da bi se potom povišenim tonom obratio radnici Z.T. riječima: „bježi, bježi“, tražeći od nje da se skloni, što je ona i učinila, te ispred nje izvukao ladica odakle je uzeo i prisvojio više komada različitog nakita, a zatim prišao izlogu, odakle je uzeo i prisvojio tri tabakere na kojim se nalazio razni nakit, a koje otuđene predmete je stavio u torbu, a potom naredio Z.T. da otključa vrata, što je ista i učinila, nakon čega je sa otuđenim predmetima napustio objekat zlatare i sa otuđenim predmetima se udaljio u pravcu naselja Stup, gdje je u žbunju sakrio otuđene predmete, na koji način su oštetili zlatarsku radnju „.....“ u iznosu od oko 52.000,00 KM.

#### 1.h)

Dana 18.04.2021. godine, u vremenskom periodu oko 02,30 sati, u ulici Želimira Vidovića Kelija ....., općina Novi Grad Sarajevo, nakon što je Muhamed Zijadić svjesno i htijući to, organizovao i rukovodio grupom ljudi sa ciljem počinjenja krivičnih djela, a kojoj grupi je svjesno i htijući to pristupio Edin Haznadar, pa je tako po uputama Muhameda Zijadića, u sastavu grupe

ljudi, svjestan da prijetnjom da će napasti na život i tijelo druge osobe, a u namjeri pribavljanja protupravne imovinske koristi oduzimaju tuđe pokretne stvari, uz upotrebu opasnog oružja, što su i htjeli, Edin Haznadar zajedno sa njima poznatim pripadnikom grupe, došao do benzinske pumpe "....." doo Sarajevo, predhodno se maskirajući kapama tzv. fantomkama, nakon čega su dolaskom do ulaznih vrata upotrebom fizičke snage razbili portal staklo na vratima, a zatim ušli u unutrašnjost pumpe, gdje su uz prijetnju predmeta koji asocira na pištolj i palice, obratili uposleniku M.D. sa zahtjevom da im preda novac, a potom ga jedan od njih udario palicom više puta u predjelu tijela i glave, za koje vrijeme je drugi od njih dvojice prišao radnom pultu gdje je smještena registar kasa, te upotrebom fizičke snage demontiro ladicu registar kase iz ležišta, iz koje je uzeo i prisvojio novac u iznosu od oko 400,00 KM i cigarete u vrijednosti od oko 200,00 KM, da bi se zatim obratili M.D. sa zahtjevom da im otvori sef, pa nakon što im je rekao da on ne zna šifru, jedan od njih ga udario predmetom koji asocira na pištolj u predjelu glave, nakon čega su se udaljili u pravcu brda Mojnilo i dalje u nepoznatom pravcu, na koji način su oštetili benzinsku pumpu "....." doo Sarajevo za novac u iznosu od oko 400,00 KM i za otuđene predmete u iznosu od oko 200,00 KM,

## 2.

Dana 02.06.2021. godine u Sarajevu, oko 06,50 sati, u kućama koje koristi na adresama u ulici ....., općina Ilidža i ....., općina Ilidža, suprotno članu 7. stav 1. tačka a) u vezi sa članom 6. stav 1. tačka a) Zakona o nabavljanju, držanju i nošenju oružja i municije KS, iako svjestan zabrane posjedovanja oružja čija nabavka i držanje građanima uopće nije dozvoljena, što je i htio, na neutvrđen način prethodno nabavio i potom neovlašćeno držao automatsku pušku marke PARA ZAGI – M91, serijskog broja ....., kalibra 9x19 mm, sa pripadajućim okvirom u kojem se nalazilo 20 komada metaka kalibra 9x19 mm, 4 komada metaka kalibra 9x19 mm, dva komada metaka kalibra 7.62x25mm, koji su pronađeni i privremeno oduzeti od strane ovlaštenih službenih lica Federalne uprave policije prilikom pretresa kuće na adresi ....., općina Ilidža, na osnovu naredbe Općinskog suda u Sarajevu, te magazin za automatsku pušku CRVENA ZASTAVA ..... u kojem se nalazilo 30 komada metaka kalibra 7.62x39mm i prazan magazin za automat marke ZAGI, ....., kalibra 9x19 mm, koji su pronađeni i privremeno oduzeti od strane ovlaštenih službenih lica Federalne uprave policije prilikom pretresa kuće na adresi ....., općina Ilidža, na osnovu naredbe Općinskog suda u Sarajevu

## 3.

Dana 02.06.2021. godine, oko 06,50 sati, u Sarajevu, kućama koje koristi na adresama ulici ....., općina Ilidža i ....., općina Ilidža, iako svjestan da je posjedovanje opojne droge zabranjeno, a što je i htio, postupao protivno članu 4. stav 1. Zakona o sprječavanju i suzbijanju zloupotrebe opojnih droga (Službeni Glasnik BiH 8/06), neovlašćeno posjedovao jedan komad bijelog papira koji je urolan, a čije su dimenzije cca 9x9 cm, sa tragovima koji sadrže psihoaktivnu komponentu amfetamin, jednu plastificiranu karticu, bijelo- crvene boje, na kojoj se nalazi natpis „.....“, sa tragovima koji sadrže psihoaktivnu komponentu amfetamin, jedan prozirni pvc paketić, bijelo žute boje, neto mase 13,609 grama, sa sadržajem psihoaktivne komponentne amfetamin, koji su pronađeni i privremeno oduzeti od strane ovlaštenih službenih lica Federalne uprave policije prilikom pretresa kuće na adresi ....., općina Ilidža, na osnovu naredbe Općinskog suda u Sarajevu, te jednu keramičku pločicu, bijele boje, dimenzija

cca 21x20x0,7 cm, sa tragovima koji sadrže psihoaktivnu komponentu amfetamin, jednu metalnu kutiju, sive boje, u obliku valjka, čije su dimenzije cca 6x2 cm, u kojoj se nalazi materija bijele boje, neto mase 0,020 grama, koja sadrži psihoaktivnu komponentu amfetamin, koji su pronađeni i privremeno oduzeti od strane ovlaštenih službenih lica Federalne uprave policije prilikom pretresa kuće na adresi ....., općina Ilidža, na osnovu naredbe Općinskog suda u Sarajevu, a koja opojna droga amfetamin se nalazi na popisu opojnih droga, psihotropnih tvari, biljaka iz kojih se može dobiti opojna droga i prekursora, Zakona o sprječavanju i suzbijanju zloupotrebe opojnih droga (Službeni glasnik BiH broj: 8/06, 103/08 i 51/11).

**Dakle,**

**Muhamed Zijadić**, kao organizator grupe ljude formirane u smislu člana 2. stav 20. KZ FBiH radi učinjenja krivičnih djela,

- provaljivanjem u zatvoreni prostor, tuđe pokretne stvari oduzeo sa ciljem pribavljanja protupravne imovinske koristi
- prijetnjom, u sastavu grupe ljude, te uz upotrebu oružja, oduzeo tuđe pokretne stvari sa ciljem pribavljanja protupravne imovinske koristi
- na naročito drzak način oduzeo tuđe pokretne stvari sa ciljem pribavljanja protupravne imovinske koristi
- prijetnjom, u sastavu grupe ljude, oduzeo tuđe pokretne stvari sa ciljem pribavljanja protupravne imovinske koristi

**te sam** neovlašteno držao vatreno oružje čija nabavka građanima uopće nije dozvoljena i neovlašteno posjedovalo opojnu drogu

**Čime bi:**

**Muhamed Zijadić**, u radnjama opisanim pod tačkom 1. i tačkom 1.a) 1.b) i 1.c) 1.d.), 1.e), 1.f), 1.g) i 1.h) počinio krivično djelo Udruživanje radi činjenja krivičnih djela iz člana 340. stav 1. KZ FBiH, u vezi sa krivičnim djelom Teške krađe iz člana 287. stav 1. tačka a) KZ FBiH, u vezi sa krivičnim djelom Razbojništvo iz člana 289. stav 2. u vezi stava 1. KZ FBiH i krivičnim djelom Teške krađe iz člana 287. stav 1. tačka b) KZ FBiH a **pod tačkom 2.** počinio krivično djelo Nedoizvoljeno držanje oružja ili eksplozivnih materija iz člana 371. stav 1. KZ FBiH i **pod tačkom 3.** počinio krivično djelo Posjedovanje i omogućavanje uživanja opojnih droga iz člana 239. stav 3. KZ FBiH, a sve u vezi sa članom 54. KZ FBiH

**Na osnovu člana 151. stav 2. ZKP-a FBiH, predlažem :**

**PRODUŽENJE MJERE PRITVORA  
prema Muhamedu Zijadiću**

Općinski sud u Sarajevu je dana 28.11.2023. godine donio rješenje o određivanju pritvora prema osumnjičenom Muhamedu Zijadiću, iz razloga propisanih članom 146. stav 1. tačka a) ZKP FBiH u trajanju od jedan (1) mjesec, zbog postojanja osnovane sumnje da je počinio krivično djelo Udruživanje radi činjenja krivičnih djela iz člana 340. stav 1. KZ FBiH, krivično djelo Razbojništva iz člana 289. stav 1. KZ FBiH, krivično djelo Teške krađe iz člana 287. stav 1. tačka a) KZ FBiH i krivično djelo Nedoovoljeno držanje oružja ili eksplozivnih materija iz člana 371. KZ FBiH.

Općinski sud u Sarajevu je istog dana donio Naredbu za raspisivanje međunarodne potjernice prema osumnjičenom Muhamedu Zijadiću, te u u navedenom Rješenju o određivanju pritvora da se trajanje pritvora ima računati od dana lišenja slobode osumnjičenog Muhameda Zijadića.

Osumnjičeni Muhamed Zijadić je lišen slobode dana 30.07.2024. godine, a nakon ekstradicije iz SR Njemačke, gdje je prethodno po navedenoj potjernici proveden ekstradicioni postupak.

Obzirom da je u međuvremenu došlo do promjene kvalifikacije krivičnih djela koja se stavljaju na teret osumnjičenom Muhamedu Zijadiću, to ovaj prijedlog podnosimo Kantonalnom sudu u Sarajevu kao stvarno i mjesno nadležnom, sa prijedlogom da se mjera pritvora produži, jer je ista prema mišljenju Tužilaštva neophodna u nastavku postupka, a zasniva se na razlozima iz člana 146. stav **stav 1. tačka a) ZKP-a F BiH.**

**KANTONALNI TUŽILAC**